



## Dobro došli u AFSCME Local 328

Čestitamo vam na novom poslu u OHSU univerzitetu! U vašoj trenutnoj ulozi vas zastupa radnički sindikat pod nazivom Američka federacija državnih, županijskih i općinskih službenika (AFSCME - American Federation of State, County and Municipal Employees). Radnički sindikat u OHSU univerzitetu (Local 328) je osnovan 1985 i zastupa oko 7000 radnika.

### Šta je radnički sindikat?

Radnički sindikat je grupa radnika koji se organiziraju i ujedinjuju radi donošenja odluka koje utiču na njihov rad i radne uslove. Kao dio sindikata, radnici imaju pravo glasa u određivanju plata, radnih sati, beneficija (zdravstvo, penzija, naknada za školarinu, itd.) i godišnjih odmora. To takođe znači da radnici imaju prava, na primjer na sigurno i zahvalno radno okruženje, direktan disciplinski postupak i „just cause“ zaštitu (što znači da ne možete dobiti otkaz bez razloga). Kada radnici paze jedni na druge, to poboljšava uslove za sve. Osnovni način na koji to naš sindikat radi je pregovaranjem o ugovorima sa OHSU univerzitetom. Ugovor je pravno obavezujući dokument koji određuje naše plate, radne sate, beneficije itd. Trajanje ugovora može varirati od dvije do pet godina. Kada se približi datum isteka ugovora, Local 328 i OHSU rade na ponovnim pregovorima o njemu.

### Kako funkcionise pregovaranje?

Kada Local 328 i OHSU pregovaraju, svaka strana ima tim koji će ih zastupati. Mi biramo 12 članova koji će zastupati naš radnički sindikat, a OHSU bira 12 upravnika koji će zastupati poslodavca. Bilo koji član koji plaća članarinu u radničkom sindikatu može biti nominiran za pregovarački tim. Na izborima članova za pregovarački tim mogu glasati samo članovi koji plaćaju članarinu u radničkom sindikatu. Naš radnički sindikat mjesecima obučava naš pregovarački tim u sklopu pripreme za pregovore. Local 328 i OHSU pregovaraju tako što predstavljaju ideje o načinu na koji bi željeli da se sljedeći ugovor promijeni. Naš radnički sindikat anketira članove sindikata kako bi se saznalo šta je za njih najvažnije (plate, osiguranje itd.) i stvara prijedloge za pregovore na osnovu tih povratnih informacija. Pregovori traju nekoliko mjeseci. Tokom ovog perioda, obje strane prave ponude; neke se prihvate, a neki odbiju. Tokom pregovaranja, Local 328 šalje obavijesti svim članovima radničkog sindikata o tome šta se događa.

Ako se pregovori ne završe dobro i ako je naše članstvo nezadovoljno prijedlozima uprave, članovi mogu da se uključe u javne akcije, kao što je nošenje naljepnica / bedževa u znak podrške našem radničkom sindikatu, održavanje skupova i učestvovanje u informativnim piketima. Kao krajnje utočište, pregovarački tim Local 328 radničkog sindikata može zatražiti od članova da odobre glasanje za štrajk; pregovarački tim može zatražiti štrajk ako velika većina članova radničkog sindikata glasa za odobravanje štrajka. Nakon što obje strane postignu okvirni sporazum o novom ugovoru, naš radnički sindikat traži od članova da ga ratifikuju. Samo članovi radničkog sindikata koji plaćaju članarinu mogu glasati za ratifikaciju ugovora.

## **Šta je članarina u radničkom sindikatu?**

Članstvo u radničkom sindikatu zahtijeva plaćanje članarine. Članarine su isplate koje članovi radničkog sindikata trebaju izvršiti za podršku radu našeg radničkog sindikata. Mi od članova tražimo da plaćaju članarinu kako bi naš radnički sindikat održavali jakim. Članarine pomažu Local 328 radničkom sindikatu da sprovede naš ugovor, plati pravne / administrativne troškove vođenja sindikata, obuči naš pregovarački tim i predstavnike radnog sindikata i vodi korisne programe za naše članove. Članarine iznose 3,48 USD + 1,27 % od vaše osnovne plate (ne uključujući prekovremeni rad ili diferencijale) mesečno; maksimalni iznos članarine koji član može platiti mjesečno iznosi 69,70 USD. Članarine se automatski odbijaju od vaše plate 24 puta godišnje. Novac za članarinu naših članova podržava Local 328 sindikat, AFSCME vijeće 75 u Oregonu i međunarodni AFSCME.

## **PEOPLE program**

AFSCME takođe ima program političkih akcija pod nazivom PEOPLE (javni službenici organizovani za promovisanje zakonodavne jednakosti - eng. Public Employees Organized to Promote Legislative Equality), koji se finansira dobrovoljnim donacijama članova. PEOPLE program predstavlja način na koji članovi mogu podržati politički rad koji AFSCME obavlja u Oregonu. Ova sredstva se koriste za izbor političara koji podržavaju radničke sindikate i podržavaju zakone koji idu u korist radnicima. Prethodnih godina, PEOPLE program je pomogao u podizanju minimalne plate u državi, osiguravanju bolovanja za sve radnike i usvajanju najvelikodušnijeg zakona o roditeljskom odsustvu u zemlji.

## **Struktura Local 328 radničkog sindikata**

Naš radnički sindikat ima izvršni odbor koji se sastoji od izabраниh rukovodilaca članova. Za poziciju u odboru se može kandidovati bilo koji član dobrog ugleda koji plaća članarinu. Odbor nadgleda budžet našeg radničkog sindikata, obavještava članove o tome šta Local 328 sindikat radi, rješava probleme velikih razmjera sa kojima se članovi suočavaju, odlučuje koje će pritužbe iznijeti na arbitražu i još mnogo toga. Naš sindikat takođe ima nekoliko manjih odbora koji pomažu u obavljanju poslova i aktivnosti sindikata. Naš sindikat je dio AFSCME vijeća 75 u Oregonu, koje nadgleda interese svih AFSCME sindikata u Oregonu.

## **Pravo zastupanja**

Ako ste pozvani na sastanak sa svojim upravnikom i taj sastanak može za rezultat imati disciplinsku mjeru ili prekid radnog odnosa, imate pravo sa sobom povesti zastupnika sindikata, kao dio onoga što se naziva vašim Weingarten pravima. Ova prava se primjenjuju na sve članove sindikata u Sjedinjenim Državama. Na OHSU univerzitetu, ti sastanci se nazivaju istražni sastanci. Vaš upravnik vas mora obavijestiti o pomenutom sastanku u roku od 36 sati. Ako ne budete obaviješteni da imate istražni sastanak, kontaktirajte naš sindikat što je prije moguće i zatražite zastupništvo.

## Zastupnički program

Zastupnici su članovi koji se dobrovoljno javljaju kako bi podržali zastupljene radnike. Rad zastupnika je plaćeni rad i zaštićen je ugovorom. Postoje tri glavne vrste zastupnika:

- Istražni zastupnici: Zastupljeni radnik koji je pozvan na istražni sastanak smije povesti zastupnika radničkog sindikata na taj sastanak. Istražni zastupnici podržavaju radnike na ovim sastancima, praveći bilješke i vodeći računa da se sastanci vode na odgovarajući način.
- Zastupnici za pritužbe: Zastupljeni radnik koji vjeruje da je OHSU univerzitet prekršio ugovor može podnijeti pritužbu. Zastupnici za pritužbe rade sa radnikom kako bi utvrdili da li je ugovor prekršen i kako bi pomogli da se situacija ispravi.
- Vodeći zastupnici: Vodeći zastupnici rade kao administratori za zastupnički program Local 328 sindikata i pomažu u povezivanju zastupljenih radnika sa resursima sindikata.

Bilo koji član radnog sindikata koji plaća članarinu može da postane zastupnik nakon učešća u obuci. Ako ste zainteresovani da postanete zastupnik, pošaljite e-poštu na [chiefsteward@local328.org](mailto:chiefsteward@local328.org).

## Zastupnici jedinica

Pored zastupnika koji rade na poslovima ugovora i zastupanja, Local 328 sindikat takođe ima članove koji rade kao zastupnici jedinica. Zastupnici jedinica rade kao veza između njihovih suradnika i rukovodstva našeg radničkog sindikata. Oni pohađaju mjesečne sastanke kako bi saznali šta naš radnički sindikat radi i kako bi podijelili informacije sa svojim kolegama. Ako vas interesuje ko je zastupnik vaše jedinice ili želite da postanete zastupnik, pošaljite e-poštu na [kbaker@oregonafscme.org](mailto:kbaker@oregonafscme.org).

## Pitanja ili nedoumice?

Ako ikada budete imali pitanja u vezi sa ugovorom ili problemom na radnom mjestu, ako trebate zastupanje na istražnom sastanku ili samo želite znati više o našem radničkom sindikatu:

- Obratite se zastupniku vaše jedinice
- Pratite nas na [Facebook](#) i [Twitter](#) stranicama
- Kontaktirajte nas putem interneta na [328.unionlabor.org](http://328.unionlabor.org)
- Pozovite Local 328 na (971) 804-0237
- Pozovite Oregon AFSCME SMART centar na (844) 758-6466

SMART centar ima prevoditelje za članove kojima engleski nije maternji jezik. Takođe možete pronaći informacije o našem radničkom sindikatu i na našoj internet lokaciji ([www.local328.org](http://www.local328.org)).